





Igl teater vean preschanto tier la zentrala electrica a Balamburg.



Daniel Camenisch à surdo igl cudesch da Schons agl autor Felix Benesch (da san.). FOTO RTR

Do igl signal da partenza cun blear'energeia pigl toc «Das Kraftwerk»

Agli gi d'informaziun da sonda passada, igls 15 da november, en s'antupadas anturn 140 parsunas an la sala polivalenta d'Andeer. La Cuminanza Culturala Val Schons (CCVS) à anvindo parsunas interessadas par sapartizipar agl teater liber «Das Kraftwerk/L'ovra electrica» a par far ancunaschientscha cun acturs, auturs ad organisaturs digl toc. Igl muzist Christian Klucker vean a dirigier igl cor c'acumpogna igl teater ca vean giujieu igl avust 2026 tier la zentrala electrica da Balamburg.

FRANCESCA MARK/FMR

Daple ca 190 anzunzgas veva igl comite d'organisaziun digl gioi liber survagnieu. Parsunas interessadas pigl teater «Das Kraftwerk/L'ovra electrica» savevan schon durànt l'exposiziun regionala MUMA, l'antscheata da matg 2025, amplanir or egn scet par s'anzunzgear – par far lavurs da voluntari, pigl cor da project near par rolas sen tribuna. Sonda passada, suainter marendà, en tut quellas a quels vagnieus infirmos davart igl gioi liber ca vean preschanto tier la zentrala da las ovras electricas da Balamburg igl avust 2026.

Egn amprem amprender d'ancanuscher

Daniel Camenisch, igl president digl comite d'organisaziun, à mano las parsunas interessadas tras igl suaintermezgi da kickoff. Trànter oter à el fatg diferaintas intervistas sen tribuna cun las parsunas prinzipals digl gioi liber, sco par exaimpel cuagl actur professional Peter Hottinger, igl dirigent Christian Klucker ad igl autor Felix Benesch – las acturas Anita Iselin a Livia Deven earan deplorablameing absaintas. Ellas duas en oriundas digl Grischùn, abiteschan actualmeing an la Germania ad an l'Austria ad an priu sei egn video par sapreschantan an la sala polivalenta d'Andeer.

Exerzitar cun profis

Par saver fitar da scriver l'istorgia ad inventar tut las rolas, sto igl autor Felix Benesch saver quàntas parsunas ca vutan

«Jou sper ca vus vez capientscha par la mi'articulaziun falada da las construcziuns rumantschas.»

Peter Hottinger, actur

anzuma giujear teater. Ascheia à la raspada da 140 parsunas sa partgieu sei an tres diferaintas grupas: igls cantadurs en ieus anzelmel cun Christian Klucker an l'aula par exerzitar la canzùn «La notg ei varga» da Tumasch Doll. Ad igls futurs acturs àn exerzito sura an la stànza pinta da prova egn scena anzelmel cun Felix Benesch a cun Peter Hottinger, egn actur professional.

Igl autor grischùn Felix Benesch vean a scriver egn scenari ca sasplaja an

la Val Schons anturn igl on 1932. L'electricitad à ànc betga cuntanschieu la Val Schons. Igl parsura da Maton, igl signur Rudin (giujea da Peter Hottinger), vut midar quegl ad igl dat grànds discussiuns tier la populaziun. Quella scena àn igls futurs acturs preparo sonda suaintermezgi durànt 20 minutas. «Jou sper ca vus vez capientscha par la mi'articulaziun falada da las construcziuns rumantschas», e saparstgiso igl actur da Turitg. Suainter la pinta prova àn igls acturs laics ad igls profis inszeno anzelmel la scena avànt igl publicum. Tut e curieu schon fetg bagn ad Andeer suainter curt tains. Igl toc vean digl rest preschanto an tres lungats – rumantsch, tudestg a taliàn.

La tearza grupa, igls gidaders voluntaris, e rastada durànt las provas da cànt a teater an la sala polivalenta par sa dascuer a par s'organisar.

Provas intensivas

Mintegna a mintegn à igl davos survagnieu egn plan da prova. Davent igl marz 2026 antocen fegn da fanadur vean exerzito minga sonda a dumeingia da las 9.00 antocen las 18.00. Las davosas duas eandas da prova en lua fetg intensivas: minga gi tres uras la sera.

Par las dudesch rapreschantaziuns durànt igl avust 2026 san ign schon ussa putar bigliets sen la pagina d'internet da la Cuminanza Culturala Val Schons – antocen fegn da november valan prezis redurgieus. Las preschantaziuns en mingame vendargis, sonda a dumeingia digls 6 antocen igls 23 d'avust 2026.



Anturn 140 parsunas interessadas en s'antupadas sonda a l'ocurrenza pigl gioi liber «Das Kraftwerk/L'ovra electrica».


FOTO FRANCESCA MARK



Cun musica legra à'gl do sonda en cordial bagnvagnieu agl gi d'informaziun ad Andeer.

FOTO FRANCESCA MARK

inserat



FMR
VITAMIN R
LECTURA RUMANTSCHA

EINBLICKE INS FREILICHTSPIEL «DAS KRAFTWERK»

e.i Der Informationsanlass zum Freilichtspiel «Das Kraftwerk» am Samstag, 15. November, in Andeer stiess auf grosses Interesse. Über 150 Besuchende aus der Region folgten der Einladung und sorgten für einen erfolgreichen Auftakt in die nächste Phase des Projekts.

Für eine stimmungsvolle Eröffnung sorgten die «Bandella balurda» sowie die «Dance-Kids». Der OK-Präsident des Freilichtspiels, Daniel Camenisch, informierte über die Aufführungsdaten und den Probenplan. In seinem Interview mit Autor und Regisseur Felix Benesch erhielten die Besucher bereits spannende Einblicke in die Handlung des Stücks. Im Zentrum stehen die Elektrifizierung des Schamserbergs, das Kraftwerksprojekt im Rheinwald und der Bau der Staumauer Valle di Lei. Neben historischen Fakten wird auch ein bedeutender Anteil an Fiktion die Erzählung bereichern, um das Stück temporeich

und unterhaltsam zu gestalten. Den Schluss des Stücks behielt der Autor jedoch für sich – die Spannung bleibt hoch.

Die erfrischende Bühnenpräsenz des vielseitigen Schauspielers Peter Hottinger zog das Publikum sofort in ihren Bann und steigerte die Vorfreude auf das grosse Ereignis. Der in Andeer aufgewachsene musikalische Leiter Christian Klucker erklärte die Rolle des Chores, der nicht nur musikalisch, sondern auch als Schauspielensemble eingesetzt werden soll. «Chorsingen ist wie Schauspielen, einfach mit Gesang», so Christian Klucker.

Im Anschluss an einen kurzen Workshop mit Felix Benesch, Peter Hottinger und Christian Klucker präsentierte das Schauspielensemble zusammen mit dem Chor unter grossem Applaus eine erste Szene. Die gelungene Zusammenarbeit von Laien und erfahrenen Schauspielern machte bereits heute Lust auf mehr.

Am selben Tag, dem 15. November, fiel zudem der Startschuss für den Ticketverkauf des Freilichtspiels, das vom 6. bis 23. August 2026 bei der Staumauer Bärenburg aufgeführt wird. Ange-

sichts der hohen Nachfrage empfiehlt das OK, sich frühzeitig Tickets zu sichern.

Weitere Informationen finden Sie auf cuminanzaculturala.ch



OK-Präsident Daniel Camenisch (links) im Gespräch mit dem musikalischen Leiter Christian Klucker beim Kick-off Meeting am vergangenen Samstag.

Bild zVg